



Yevropa Ittifoqi tomonidan
moliyalashtirilgan

YUKSALISH

JURNALIST-TRENER UCHUN TEXNIK TOPSHIRIQ

LOYIHA HAQIDA MA'LUMOT

“Yuksalish” harakati tomonidan Yevropa Ittifoqining moliyaviy ko'magida **“Mediata'lim va faktlarni tekshirish: tanqidiy fikrlash va axborot savodxonligini rivojlantirish”** mavzusida Mediamaktab o'tkazish rejalashtirilgan bo'lib, u quyidagi yo'nalishlarni qamrab oladi:

- ☐ Media savodxonligi va tanqidiy fikrlash;
- ☐ Faktlar va manbalarni tekshirish;
- ☐ Ommaviy axborot vositalarida etika va kasb mas'uliyati;
- ☐ Milliy ommaviy axborot vositalarida dezinformatsiyaga yo'l qo'yish xavfi nuqtayi nazaridan normativ-huquqiy bazani tahlil qilish.

Mediata'lim va faktcheking sohasida katta tajribaga ega bo'lgan Yevropa Ittifoqining professional trener-jurnalisti jalb etiladi.

Maqsad:

OAV vakillari va blogerlar o'rtasida tanqidiy fikrlash, axborot savodxonligi darajasi va mediata'lim sohasida kasbiy mahoratni oshirish.

Vazifalar:

1. Ishtirokchilarda mediata'lim sohasidagi bilim va ko'nikmalarini kengaytirish;
2. Blogerlar va OAV vakillarida tanqidiy fikrlashni rivojlantirish va faktlarni tekshirish ko'nikmalarini oshirish;
3. Noto'g'ri ma'lumotni aniqlash va OAVning jamoatchilik fikrini shakllantirishdagi rolini tushunish uchun mustahkam asosni ishlab chiqish;
4. Mediaekspertlar va OAV vakillari o'rtasida Yevropa Ittifoqi ekspertlari bilan tajriba almashish imkoniyatini yaratish.

Maqsadli guruh:

Yosh jurnalistlar, ixtisoslashgan fakultet talabalari, blogerlar va raqamli platformalar bilan ishlash ko'nikmalarini oshirishga intilayotgan OAV xodimlari.

Kutilayotgan natijalar:

1. Ishtirokchilar faktlarni tekshirishning asosiy usullari va kundalik faoliyatda qo'llaniladigan mediata'lim tamoyillarini o'zlashtiradilar;
2. Kasb malakasini oshiradilar, sifatli va ijtimoiy material tayyorlashda mas'uliyatli yondoshuv ko'nikmasiga ega bo'ladilar;
3. Hamfikrlar hamjamiyatiga kirish va kelgusida karyerada o'sish imkoniyatiga ega bo'ladilar;
4. Mahalliy OAV va Yevropa Ittifoqi mutaxassisleri o'rtasida hamkorlik aloqalari o'rnatiladi.

Mediamaktab yakunlangach, ishtirokchilarning maqolalarini (tanlov asosida) chop etish va "Normativ-huquqiy bazani milliy ommaviy axborot vositalarida dezinformatsiyaga yo'l qo'yish xavfi nuqtayi nazaridan tahlil qilish" mavzusida tahliliy tadqiqot o'tkazish rejalashtirilgan. Tadqiqot maktab bitiruvchilari va taklif etilgan ekspertlar, jumladan, jurnalistlar, faktcheking bo'yicha mutaxassis va huquqshunoslar bilan birgalikda olib boriladi.

VAZIFALAR:

1. **O'quv materiallari va dasturni tayyorlash.** Tanqidiy fikrlash va axborot savodxonligini rivojlantiruvchi o'quv dasturlari, taqdimotlar, o'quv qo'llanmalari va interfaol tadbirlarni o'z ichiga olgan ta'lim resurslarini ishlab chiqish;

2. **"Mediamaktab" mashg'ulotlarini o'tkazish.** Ishtirokchilarga faktlarni samarali tekshirish, axborot manbalarini tahlil qilish va mediakontentni tanqidiy baholash usullarini o'rgatish maqsadida ma'ruzalar, mahorat darslari va amaliy mashg'ulotlar tashkil etish va o'tkazish;

3. **O'quvchilar tomonidan materialni o'zlashtirish darajasini baholash va tahlil qilish.** Ishtirokchilarning muvaffaqiyatini baholash va o'quv dasturini ularning ehtiyojlariga moslashtirish uchun testlar va bilimlarni tekshirishning boshqa shakllarini o'tkazish;

4. **Fikr almashish va maslahatlar.** Maktabda olingan bilimlar asosida maqolalar tayyorlashda ishtirokchilarga individual va guruhli konsultativ xizmatlar ko'rsatish;

5. Hisobot va bajarilgan ishlar to'g'risidagi aktini taqdim etish.

O'TKAZILISH JOYI

Toshkent shahar

FAOLIYAT DAVOMIYLIGI

2025-yil, yanvar-mart

AMALGA OSHIRILADIGAN ISHLAR VA MUDDATLAR:

No	Faoliyat	Muddati
1	Yevropa Ittifoqi eksperti va loyiha jamoasi bilan birgalikda Mediamaktab uchun o'quv modulini ishlab chiqish	10 ish kuni
2	Maktabni timbiding, ma'ruza, o'quv o'yinlari bilan o'tkazish	2 ish kuni
3	Mediamaktabda olgan bilimlari asosida maktab ishtirokchilariga shaxsiy maqolalar (ixtiyoriy va tanlov asosida) tayyorlashda maslahat xizmatlarini ko'rsatish	15 ish kuni
4	Bajarilgan ishlar bo'yicha tavsifiy hisobot, bajarilgan ishlar to'g'risidagi aktini taqdim etish	3 ish kuni
	Jami	30 ish kuni

TALAB QILINADIGAN MAHORAT VA MALAKA

Nomzodlar yuqorida ko'rsatilgan majburiyatlarni bajarish uchun tegishli tajribaga egaligi, shuningdek, quyidagi malaka, ko'nikma va malakalar asosida baholanadi:

- Jurnalistika, OAV, kommunikatsiyalar, pedagogika bo'yicha oliy ma'lumot;
- Media kommunikatsiyalari, faktcheking yoki mediata'lim sohasida amaliy tajriba (3 yil va undan ortiq);
- O'quv modullarini ishlab chiqish va o'qitish, o'quv yoki ta'lim dasturlarini o'tkazish tajribasi;
- Jamoada ishlash qobiliyati;
- O'zbek va rus tillarini yaxshi bilish. Ingliz tilini bilish ma'qullanadi;
- O'zbek va rus tillarida aniq, to'g'ri va asoslangan matnlar tuza olish.

TAQDIM QILINISHI KERAK BO'LGAN HUJJATLAR

- Rezyume;
- Moliyaviy taklif (har bir ish bo'yicha to'lov alohida, so'mda ko'rsatilishi lozim).